



O Club Baloncesto Nigrán reinicia a súa actividade deportiva neste municipio logo de máis dunha década de inactividade deportiva. Este rexurdimento da entidade débese á iniciativa dun grupo de pais e nais , con Pablo Vilas como presidente, xunto a Nuria Gómez Domínguez, adestradora superior de baloncesto quen asumirá como directora deportiva do club. Tamén contarán co traballo do adestrador da INEF, Marco Fernández Riesco. A nova directiva salienta que tomarán *"as rendas deste club co fin de seguir traballando, do mesmo xeito que fixeron os seus fundadores en 1988"*.

Esta nova andadura iníciase con tres equipos, masculinos e femininos, que competirán nas diferentes ligas da Federación Galega de Baloncesto , ademais destes equipos propios do club contarán tamén cos equipos de dous colexios que forman parte da súa Escola Deportiva: o Divino Salvador e o CEIP Escultor Acuña de Vigo, que competirán tamén a nivel federado. Esta Nova Directiva púxose en contacto coas direccións dos diferentes centros educativos de Nigrán, colexios e institutos, para traballar tamén conxuntamente con eles.

Pablo Vilas, manifesta que se trata dun proxecto *"tremendamente ilusionante no que as familias e o equipo técnico traballan unidos co fin de conseguir que os nenos e nenas aprendan e gocen practicando este deporte"*

Poñen a [disposición un blog do club](#) para aqueles que queiran poñerse en contacto con eles.